



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vitae Sanctorvm**

**Lippeloo, Zacharias**

**Coloniae Agrippinæ, 1604**

Passio Beatissimorum Martyrum, Saturnini Presbyteri, Datiui, Felicis, Ampelij, & multorum aliorum. Ex ijs quæ in actis publicis relata sunt. Martyrium fortiter consumârunt. Anno Christi Domini 303. ...

**urn:nbn:de:hbz:466:1-42667**

702 PASSIO B. MART. SATURNINI, &c.  
quavis in calamitate opem eius imploranti,  
fabilis Domini misericordia. Obijt autem  
sanctus anno incarnati verbi 1156. 4. Idus Febru-  
rij. Sepultusq; est in Stabulo Rodis in agro Sedi-

PASSIO BEATISSIMORVM MARTY-  
rum, Saturnini Presbyteri, Dativi, Felicis, Ampelii &  
multorum aliorum. Ex ijs quæ in Actis publicis rela-  
ta sunt. Martyrium fortiter consummarunt. Anno  
Christi Domini 303. Marcell. P. ap. 7. Dioclet.  
& Maxim. Imp. 20.

11. Februar.  
Persecutio  
Christiano-  
rum.

**T**emporibus Diocletiani & Maximiani, bel-  
lum diabolus Christianis indixit illo mo-  
do, vt sacrosancta Domini testamenta,  
scripturasque diuinas ad exurendum peteret, bi-  
filicas Dominicas subuerteret. & ritus sacros con-  
tusque sanctissimos celebrari prohiberet. Multi  
metu suppliciorum perterriti, tradendo diuina  
testamenta, à fidei cardine cadebant; Sed multo  
plures eas conseruando, & pro sanctissimis Chri-  
stianæ fidei mysterijs, ad extremum vite spiritum  
pugnando, intrepidè sese in quoduis, periculum  
inferebant. Aduolabant vndique euersum immen-  
sa agmina confessorum, & vbi quisque hostem  
repererat, castra illic Dominica collocabat.

\* *Abitinensi.* Cum die quodam in ciuitate † Alutinesi, bel-  
lica tuba, Christianæ fidei hostes ad arma con-  
uocaret, gloriosi martyres, vt sese impijs conati-  
bus opponerent, in domo Occani Felicis conue-  
nerunt, qui dum sacra mysteria singulari pietatis  
studio celebrarent, fuerunt à Coloniz magistratibus  
appræhensi, quorum nomina hæc fuisse re-  
censentur; Saturninus presbyter cum filijs quatuor,  
id est, Saturnino iuniore, & Felice lectoribus,  
Maria sanctimoniali, Hilariano infante. Dativus  
qui

Nomina  
sanctorum  
martyrum.

ni & senator. Felix, Felix alius, Emeritus, Am-  
 elius, Rogatianus, Quintus, Maximianus, Theli-  
 ca, Rogatianus, Rogatus, Ianuarius, Cassianus, Vi-  
 ctorianus, Vincentius, Cæcilianus, Restituta, Pri-  
 ma Fua, Rogatianus, Guinalius, Rogatus, Pompo-  
 nia, Secunda, Ianuaria, Saturnina, Martinus, Dan-  
 tus, Felix, Margareta maior, Honorata, Regiola,  
 Victorinus, Pelusius, Fauustus, Dacianus, Matrona,  
 Cæcilia, Victoria, Herectina, secunda Matrona, Ia-  
 nuaria.

Hi apprehensi, producebantur alacres ad fo-  
 rum. Ibi primum aggressi confessionis palmam,  
 magistratus elogio sustulerunt. In isto namque  
 foro, iam pro Dominicis scripturis dimicauerat  
 celum, cum Fundanus ciuitatis quondam episcopus,  
 scripturas Dominicas traderet exurendas.  
 Quas cum Magistratus sacrilegus igni appone-  
 re, subito imber sereno cælo diffunditur, ignis  
 scripturis sanctis ad motus extinguitur, grandi-  
 nes adhibetur, omnisq; ipsa regio, pro scripturis  
 Dominicis, elementis farentibus, deuastratur.

Hinc igitur Christi martyres, grauissimis o-  
 multi vinculis, Carthaginæ ad Anolinum procon-  
 sulem missi sunt. Ibant læti & alacres, atque per to-  
 tum iter Hymnos Domino, canticaque psallebant.  
 Prodehti autem ante Proconsulem, admiranda sa-  
 nis constantia sæuientes Diaboli impetus retunde-  
 bant. Primus omnium Datus à Proconsule de  
 statu & conditione sua interrogatus, intrepidè se  
 Christianum esse respondit. Quo responso acce-  
 pto, iussit eum in eculeum leuatum vngulis fer-  
 reis crudeliter laniari. Cumque carnifices, iussa  
 crudelia atroci velocitate complerent, & erectis  
 vngulis martyri imminerent, subito se per me-  
 ditum Thelica fortissimus martyr, tormentis  
 subie-

Diuino mi-  
 raculo, feri-  
 ptura serua-  
 tur.

Martyres  
 supradicti  
 mittuntur  
 Carthaginæ.

Datus sus-  
 penditur in  
 eculeo.

**Thelica**  
martyr for-  
tissimus.

subiecit, atque clamauit, quia Christiani sumus. Proconsul ea animi magnitudine commotus primum obstupuit, deinde ira grauius exarscens, ingemiscensque, Christi martyrem inuentibus ictibus vehementer contusum, peribidentibus unguibus discerpi iussit. At contra Christiana martyr Thelica, de media carnificum rabie, preces huiusmodi cum gratiarum actione Dominifundebat; Deo gratias; In nomine tuo Christe, Dei, libera seruos tuos. Talia precanti Proconsul, Quis, inquit, est auctor tecum congregacione vestra? Qui crudelius sciienti carnifici clamo-rem respondit; Saturninus Presbyter & omnes. Querente igitur Proconsule Saturninum, cum ostendit; non quod illum prodiderit, sed quem secum aduersus diabolum dimicare credebat, gloriosum redderet; atque ut illi panderet, se (quia de Dominica collecta questio erat) integram collectam presente nimirum presbytero, celebrasse.

**Intertormē-**  
**ta Deo gra-**  
**tias agit.**

**Thelice in-**  
**signis virtus**  
**& animi**  
**magnitudo.**

In hisce igitur corporis laniamenti constitutus martyr, tortori pariter & Proconsuli his vocibus impietatem & scelus exprobrato; vos infelices, quid tanto furore contra Deum inlanitis? quid innocentes laniatis? Non sumus homicidæ, non fraudes fecimus. Deus miserere; Gratias tibi ago Domine da mihi constantiam. Libera seruos tuos a captiuitate huius seculi. Et cum unguularum ictibus concussa fortius latera fulcarentur, profusensque sanguinis unda, violentis tactibus emanaret, Proconsulem sibi dicentem audiuit; Incipiet sentire, quæ vos pati oporteat. Martyr vero adiecit; Ad Dei gloriam. Gratias ago Deo regnorum. Apparet regnum æternum, regnum incorruptum, Deus sanctiss. Deus Altiss, Deus omnipotens, tibi laudes

**Dirè torque-**  
**sur.**

audes pro nomine tuo agimus. Cui per Iudicem  
 lectum est; Custodire te oportuit Iustionem,  
 mpp. & Caesarum. Defatigato autem tandem  
 corpore, forti atque constanti sermone victor  
 proclamavit, Minas vestras, tormenta vestra, atq;  
 supplici a nihili facio. Sola mihi lex Dei, quã di-  
 dici, pro qua morior, curã est. Ipsam custodio, in  
 ipsa consummor. Domine Iesu Christe tu est spes  
 nostra. Tu spes Christianorum, tibi seruimus; a te  
 gratiam & misericordiam sempiternam expecta-  
 mus. Talia voce libera, & cum gaudio procla-  
 mante Anolinus magis torquebatur. Cuius taj-  
 sem rabies ferocitate saginata, martyrem carce-  
 ribus recludi iussit.

Post hæc Dacivus rursus ad certamen trahi-  
 tur. Qui cum pendendo in eculeo extensus, se, vo-  
 ce sepius repetita, Christianum esse, & collectam  
 fecisse fortiter proclamaret, emerit sanctissimã  
 Victoria martyris frater, vir sanè togatus, sed à  
 sanctissimo religionis Christianæ cultu, ipsis  
 temporibus alienus. Qui suspensum in eculeo  
 martyrem, profanis vocibus hæctenus arguebat;  
 Hic est, dicebat, qui sororem nostram Victoriam  
 seduxit. Hic qui puellares animos præstigij suis  
 in fraudem allexit. Hic qui sororem nostram, vnã  
 cum Secunda & Restituta, Carthagine secum ad  
 Alutinensem Coloniam perduxit. Hæc eo cla-  
 mitante, Victoria non ferens collegam suum in-  
 iquis apperi criminibus, statim Christiana liber-  
 tate prorumpens; Nullius, inquit, præstigij, quem  
 admodum tu dicis, seducta sum: neque ego cum i-  
 plo ad Alutinensem Coloniam veni: sed omnia  
 mea sponte peregi. Nam & in collecta fui, & Do-  
 mini cum cum fratribus peregi, quia Christiana  
 sum. Tunc impudens aduocatus, maledicta exag-  
 gerabat

Egregia for-  
 titudo, inter  
 tam acerba  
 tormenta.

Thelica re-  
 cluditur in  
 carcerem.

Victoriz  
 frater impi-  
 us, & genti-  
 lis, calumni-  
 atur marty-  
 rem.

Victoria e-  
 stanter fra-  
 tris sui calu-  
 nias refu-  
 tat.

706 PASSIO. B. MART. SATURNINI. &c.  
gerabat in martyrem: quæ martyri gloriosus decu-  
culeo constanter refellebat.

**Datius di-**  
**rissimè tor-**  
**quetur.**

**Preces eius**  
**ad Christū**  
**in tormētis.**

**Saturninus**  
**presbyter**  
**vocatur ad**  
**cruciatu.**

**Emeritus**  
**prosiit ad**  
**certamen.**

**Saturninus**  
**exciatur.**

Inter hæc Anolinus furore excandescens, p-  
mi vngulas in martyrem iubet. Carnifices cruce-  
lentis vultibus aduolabant, dictoque citius scru-  
ta pectoris, disruptis cutibus, visceribusque diuisi-  
fis, nefandis aspectibus, adnixa crudelitate pande-  
bant. Inter hæc martyris mens immobilis, & licet  
membra rumpantur, diuellantur viscera, latera  
dissipetur, animus tamen martyris integer inob-  
cussusque perdurabat. Deniq; dignitatis suæ me-  
mor Datus, tali voce preces ad Dominum sub  
carnifice sæuiente fundebat. O Christe Domine  
non confundar. Hac voce Proconsulem rursus a-  
crius in se excitauit. Cuius recrudescente squit,  
geminata martyris dignitas, iterato vngulis sul-  
cantibus, exaratur. At martyr, ad vulnere cruci-  
atus sæuissimos, pristinam suam repetens oratio-  
nem, Rogo, ait, Christe non confundar. Quid fe-  
ci? Saturninus est presbyter noster.

Post hæc Saturninus ad prælium postulari.  
Datiuo interim in carcerem recluso. At vero Sa-  
turninus recenti martyrum sanguine delibutus,  
cum in eculeo penderet, admonebatur in eorum  
fide persistere, in quorum cruore perstabat. Hic  
cum interrogatur, vtrum ipse auctor esset alijs  
ad Christi religionem: respondissetque, auctor:  
Emeritus lector ad certamen exiliens; Quin, in-  
quit, ego sum auctor, in cuius domo collecta fa-  
cta fuit. Proconsul, qui iam toties martyrum co-  
stantia victus fuerat, impetus Emeriti perhorres-  
cens, meditata iam diu in martyribus voce, terro-  
rem suæ iræ commouit: atq; carnifices, vt vires su-  
as in Saturninum ostenderent, hortatus est. Ruit  
illi in senile presbyteri corpus, illudq; grassante  
rabie

rabie,rupta nervorum connexione, discerpunt, atrociter.  
 ac tali voce Dominum presbyter precabatur.  
 Rogo te Christe exaudi, Gratiar tibi ago Deus,iu-  
 be me decollari.Rogo Christe miserere: Fili Dei  
 subueni.Cui Proconsul; Quare contra præceptū  
 Imperatorum facis?Et presbyter:Lex sic iubet,lex  
 sic docet, inquit. Legis denique voce deterritis  
 Anolinus: Parcam, inquit; eumque in custodi-  
 am carceris redigens:exoptato supplicio destina-  
 vit.

Post hunc Emeritus ad supplicia protractus &  
 a Proconsule interrogatus, quare contra præce-  
 pta Imperatorum alios in domum suam ad Do- Emeritus  
 minicum celebrandum recepisset? Quia, inquit, constantiss  
 fratres mei sunt, ideoq; illos cū gaudio suscepi. me respon-  
 dit.  
 Hi se dato responso, statim in eculeo extensus iu-  
 betur atrociter vexari. Qui cum validos ictus,  
 immo nato carnifice, pateretur: Rogo ait, Christe  
 subueni. Et interloquenti Proconsuli, non oportet  
 te eos suscipere, respondit. Non potueram  
 quin susciperem fratres meos. At Proconsul  
 sacrilegus; Sed prior erat iussio Imperatorum &  
 Caesarum. Contra religiosissimus martyr. Deus,  
 inquit, maior est quā Imperatores. Rogo te Chri-  
 ste Iesu, da constantiam. Breviter patior, libenter  
 patior: Christe non confundar.

Iam ferina rabies, ore cruento tormentis mar- Felicis ce-  
 tyrum saginata, languebat, cum Felix nomine & tamen.  
 passione, processit in prælium: aciesque Domini  
 omnis incorrupta, & inuicta perstabat. Tyrannus  
 autem mente prostratus, animo & corpore  
 dissolutus: Spero, inquit, vos hanc potius partem  
 eligere, qua possitis vivere, ut inuictissimorum  
 Imperatorum præceptis obtemperetis. Contra  
 quæ, inuicti martyres Christi, tāquam ex vno ore  
 dixerunt

Mittitur in  
custodiam

Emeritus  
constantiss  
me respon-  
dit.

Torquetus

Felicis ce-  
tamen.

**Præclara  
martyrium  
vox.**

dixerunt; Nos Christiani sumus, non possumus nisi præceptum Domini, legem sanctissimam ad extremum vitæ spiritum custodire. Qua confessione confusus grauius Anolinus, Felicem filibus cæsum, cælesti concilio martyrum, expla passione, sociavit.

**Alterius  
Felicis agō.**

Hunc protinus sequitur alius Felix, qui patri virtute congressus, etiam ipse fustium latrone, superioris est Felicis martyrio copulatus. Post susceptum certamen Ampelius, custos legis, scripturarum diuinarum fidelissimus conservator, Hic, quærente Proconsule, an in collecta fuisset: Hilaris atque securus alacri voce respondit, Cum fratribus feci collectam, Dominicum celebravi. Scripturas diuinas habeo mecum, sed in corde meo conscriptas. Christe, tibi laus, tibi gloria, et exaudi me Domine. Qui cum hæc dixisset, ceruicibus contusus, quasi iam in tabernaculum Dominicum cum fratribus relegatur. Hunc sequitur

**Item Rogatiani  
Quinti.**

Rogatianus. Qui cōfessus Domini nomen, iudicatis fratribus iungebatur illæsus. Quintus vero applicitus, egregie nomen Domini magnifice confessus, cæsus fustibus in carcerem traditur, condigno martyrio reseruatus. Hunc sequitur Maximianus, in confessione par, in congressione similis, in victoriæ triumphis æqualis. Post quem iunior Felix, spem salutemque Christianorum Dominicum esse proclamans. Cum similiter etiam ipse fustibus cæderetur, Ego, inquit, deuota mente celebraui Dominicum, collectam cum fratribus feci: quia Christianus sum. Quia confessione meruit fratribus etiam ipse sociari.

**Maximiani  
Felicis.**

**Saturnini  
iunioris.**

At iunior Saturninus, martyris Saturnini præbyteri progenies: in certamen optatum, festinat accessit, properans patrijs virtutibus gloriose



nis aequari. Cui cum Proconsul furibundus di-  
 xisset; & tu Saturnine, interfuisti? respondit Satur-  
 ninus: Christianus sum. Egi Dominicum, quia  
 Saluator est Christus. Quo nomine Saluatoris  
 audito, Anolinus exarsit; & in filium, patrium in-  
 fraurat aculeum. Ibant in adolescentis latera; pa-  
 ternis vulneribus lassi lictores, & adhuc hume-  
 ramem in vngulis patrium sanguinem, cognato  
 filij cruori miscebant. At iuuenis gemini sangui-  
 nis admixtione recreatus, medelam potius, quam  
 tormenta sentiebat: & recepta in tormentis for-  
 titudine, fortissimis vocibus exclamabat; Scriptu-  
 ras Dominicas habeo: sed in corde meo. Domi-  
 ne Iesu Christe da constantiam: Spes enim est vi-  
 te. Anolinus autem, & quare, inquit, contra Im-  
 peratorum precepta facere voluisti? quia respō-  
 dit martyr: Christianus sum. Hoc audito: Parce,  
 inquit, & statim cessante tormento, in Patrium  
 consortium relegatur.

Interea mergebat in noctem horis labentibus  
 dies, & consumpris cum sole tormentis, defecit  
 atque tortorum rabies: & cum sui iudicis crudeli-  
 tate languebat. Desertus igitur à die Tyrannus,  
 comprehensus à nocte, tot ac tantis congressio-  
 nibus superatus, cum iam ulterius cum singulis  
 confingere non præsumeret; deuotas confesso-  
 rum mentes hisce fraudibus & blanditijs est ag-  
 gressus; vidistis, quibus sint affecti tormentis;  
 qui mente impia Imperatorum nostrorum iussa cō-  
 temnunt; ideoque paterno vobis animo cōsulo,  
 ut prudenter eorum insaniam declinetis: & salu-  
 tam vestram eorum dementia praeferatis. Ad hæc  
 gloriosi martyres Christi, læti ac triumphantes  
 vno ore exclamarunt: Christiani sumus. Qua vo-  
 ce prostratus diabolus, & Anolinus confusus,

Yy

Sanctos

Dire torquetur.

Anolinus  
 Proconsul  
 martyres  
 blanditijs  
 post tormē-  
 ta aggredi-  
 tur.

Victoriz  
virginis en  
comion &  
certamen e-  
gregium.

Sanctos omnes in carcere martyrio destinant.  
Et nè deuotissimus fœminarum sexus, Ro-  
tissimusq; sacrarum virginum chorus, certaminis  
tanti gloria priuaretur, omnes fœminæ, Christo  
Domino auxiliante, in Victoria congressæ sunt  
& coronatæ. Etenim Victoria sanctissima fœmi-  
narum, flos virginum, decus & dignitas Confe-  
sorum, honesta natalibus, religione sanctissima,  
moribus temperata, in qua naturæ bonum, cae-  
dida pudicitia, relucebat, respondebatque pul-  
chritudini corporis fides pulchrior mentis, & in-  
tegritas sanctitatis: ad secundam palmam resti-  
tam se in Domini martyrio lætabatur. Huic nam-  
que ab infantia iam clara pudicitia signa fulge-  
bant, & rudibus adhuc annis, apparebat rigor ca-  
stissimus mentis, & quædam dignitas futuræ pu-  
sionis. Denique postquam plena virginitas vit-  
mum ætatis tempus expleuit, cum puella nolens  
& reluctans ad nuptias à parentibus cogere-  
tur, clam se subduxit, illuq; simul cum parentibus  
sponso, ad ædem pudicitia portumq; pudoris ec-  
clesiam, intacta virgo confugit, ibi consecrati Deo  
dicatiq; capitis in perpetuam virginitatem, sa-  
cratissimum crinem inconcusso pudore seruauit.  
Hæc ergo ad martyrium properans, florentem pu-  
dicitia palmam, triumphali dextera præferbat.  
Namque interroganti Proconsuli quid proste-  
retur, clara voce respondit: Christiana sum. At cum  
à Fortunatiano fratre togato, eiusque defensori,  
vanis argumentationibus mente capta esse diceretur,  
Victoria respondit: Mens mea est: nunquam  
mutata sum. Ad hæc Proconsul, Vis ire, inquit, cum  
Fortunatiano fratre tuo? respondit: Nolo, quia  
Christiana sum, & illi fratres mei sunt, qui Dei  
præcepta custodiunt. Mox cum hæc Anolinus pro-  
disset,

Fugit nu-  
ptias.

Deo se con-  
secrat.

Mirabilis  
constantia  
virginis.

Allet. furijs agitatus exarsit, & puellam, sacratissi-  
mam martyrem Christi, in carcerem vna cum cæ-  
teris relegans, passioni omnes referuauit.

Vnus adhuc supererat, Hilarianus martyr  
Saturnini presbyteri filius; qui ætatem suam par-  
tulam, ingenti deuotione vincebat. Hic patris fra-  
trumque triumphis iungi desiderans, diras tyran-  
ni minas non tam exhorruit, quàm in nihilum du-  
xit. Hic cum diceretur, patrem tuum aut fratres  
tuos securus es? subito de breui corpore iuueni-  
lis vox auditur: Christianus sum, & mea sponte  
aque voluntate, cum patre meo & cum fratribus  
hæc collectam. Proconsul existimans facillè posse  
puerum, tormentis infantie terreri: amputabo,  
inquit, tibi nasum & auriculas, & sic te miserum  
& turpiter deformatum demittam. Ad hæc Hila-  
rius clara voce respondit; Quicquid facere volu-  
eris fac, quia Christianus sum. Mox in carcerè re-  
cipi etiam ipse iubetur; ingentiq; cù gaudio vox  
Hilariani auditur, dicentis: Deo gratias. Hic cer-  
taminis magni pugna perficitur, hic diabolus su-  
peratur, & vincitur: hic martyres Christi de pas-  
sionis futuræ gloria æterna, iugi congratulatione  
letantur.

Hilariani  
pueri, virilis  
animus.

Vide pueri  
voces.

VITA S. SEVERINI, ABBATIS AGAV-  
nesis, ex ea qua est per Faustum Presbyterum eius  
discipulum. Obijt anno Christi 508. Symma-  
chi Papæ 10. Anastasij Imp. 18. sub Clo-  
doveo Francor. rege.

Vide Cæsar.  
Baron. Ann.  
Tom. 6.

**B**eatus Seuerinus, religiosus Dei cultor, pa-  
rentes habuit generis nobilitate conspicu-  
os, qui eum à prima ætate in literis & pie-  
tate instituendum curarunt. Tandem edusque  
in scientia & vitæ integritate progressus est, vt  
Yy 2 infi-

11. Februar.  
Eius natales  
clari.